

VERSOEK OM AANSOEKE OM HULPTOELAEBEFONDSING VIR 2022/23: MAATSKAPLIKE ONTWIKKELING EN VROEËKINDONTWIKKELING (ECD)

Die Stad Kaapstad se departement maatskaplike ontwikkeling en vroeëkindontwikkeling (SD&ECD) vra geregistreerde organisasies binne sy munisipale grense om aansoek te doen.

Aansoeke moet fokus op die verskaffing van kreatiewe en innoverende programme en/of dienste ten opsigte van enige van die volgende:

Program vir mense wat op straat leef

- Die vernaamste doelwit van die hulptoelaeprogram is die voorsiening van 'n gefaseerde herintegrasiëprogram deur **bevestigde addisionele bedruimtes** by skuilings en veilige ruimtes
- Die tweede doelwit is die voorsiening van 'n ontwikkelings- of residensiële program vir mense wat op straat leef en wat daarop fokus om die kringloop van middelmisbruik en antimaatskaplike gedrag te verbreek asook die herintegrasië van hierdie mense
- Die derde doelwit is die voorsiening van programme wat die entrepreneursaktiwiteite van mense wat op straat leef bevorder, en om die programme volhoubaar te maak

Aansoekers moet daarop let dat die departement daarna mik om soveel moontlik by sy investering te baat deur middel van 'n samewerkende befondsingsmodel wat 'n vaardigheidsoordragkomponent en projekuitsetbelyning met die geïntegreerde ontwikkelingsplan (GOP) en sakedoelwitte insluit.

Voorleggings vir hulptoelaes moet skriftelik op 'n amptelike aansoekvorm gedoen word wat by alle subraadskantore of aanlyn by www.capetown.gov.za/grants-in-aid beskikbaar is. Projekvoorstelle moet tot munisipale verantwoordelikhede beperk wees en die strategiese mikpunte van die Stad bevorder, soos uiteengesit in die GOP en strategieë vir ekonomiese groei en maatskaplike ontwikkeling, asook die Stad se pogings om 'n stad van hoop te skep. Aansoekers moet die hulptoelaebeleid met die opstel van hul begrotings in ag neem.

'n Bedrag van ongeveer R8,4 miljoen is beskikbaar vir toewysing. Die minimum bedrag per aansoek per projek is R15 000. Aansoekers moet realisties wees wanneer hulle voorleggings opstel aangesien die befondsing beperk is. Nie alle aansoekers sal befondsing ontvang nie, en die Stad sal nie die hele voorlegging befonds nie.

Alle aansoeke moet vergesel wees van:

- Die Stad se verskaffersdatabasis-nommer Die organisasie moet op die voorsieningskanaalbestuur-databasis geregistreer wees: www.capetown.gov.za/Eservices
- Die organisasie moet op die nasionale tesourie se databasis geregistreer wees: MAAA0524789 <https://secure.csd.gov.za/>
- As die organisasie as 'n BTW-verskaffer geregistreer is, moet die organisasie 'n nullokoers-belastingfaktuur indien wat die Stad se BTW-nommer 4500193497 insluit
- Gesertifiseerde afskrifte van direksieledede of die bestuurskomitee se ID's OF gesertifiseerde afskrifte van die organisasie se voorsitter en tesourier se ID's
- Notule van die organisasie se algemene jaarvergadering, nie ouer as 18 maande nie
- 'n Afskrif van die jongste, geouditeerde finansiële state of ouditsertifikaat indien daar in vorige boekjare toelaebefondsing van die Stad ontvang is. Die bedrag van die toelae ontvang moet aangedui word Indien die bedrag van die toelae wat voorheen per projek ontvang is, R50 000 of minder beloop, hoef slegs 'n afskrif van die finale bestedingsverslag vir die vorige jaar aangeheg te word
- 'n Afskrif van die organisasie se grondwet
- 'n Afskrif van die organisasie se jongste munisipale eiendomsbelasting-en-diensterekening (indien van toepassing)
- 'n Geldige belastingklaringsertifikaat (aansoeke sal nie daarsonder aanvaar word nie)
- Organisasie se stigtingsdatum
- Tipe organisasie (organisasie sonder winsoogmerk, artikel 21-maatskappy)
- Besonderhede van vorige befondsing deur die Stad
- Besonderhede van ander befondsing wat vir die huidige boekjaar van die Stad ontvang word
- Breedvoerige beskrywing van projek wat geïmplementeer sal word
- Inligting oor hoe die toewysing van 'n hulptoelae werkskepping in die hand sal werk en die geraamde aantal werksgeleenthede wat geskep sal word
- Breedvoerige ontleding van projekkoste
- Projek se begin- en einddatum
- 'n Breedvoerige sakeplan waarin die befondsingsvoorstel waarom aansoek gedoen word, verduidelik word
- 'n Goedgekeurde bevolkingsertifikaat indien toepaslik
- Elektroniese voorleggings moet in PDF ingedien word met 'n maksimum van 2 MB per dokument

Aansoekers moet die aansoekvorms deeglik deurlees en seker maak hulle heg alle dokumente aan wat hul aansoeke moet vergesel.

Die aansoek sal gediskwalifiseer word as al die betrokke dokumentasie nie voorsien word nie.

Die SD&ECD sal 'n inligtingsessie vir belangstellende partye hou voor die sluitingsdatum vir aansoeke. Kommunikasie waarin die datum van die inligtingsessie bevestig word, sal deur ons onderskeie gebiedskantore uitgestuur word.

Die ingevulde aansoekvorm, met al die toepaslike stawende dokumentasie moet op 7 Desember 2022 per e-pos ingedien word by SocialDevelopment@capetown.gov.za of per hand afgelewer word by jou naaste SD&ECD-kantoor:

GEBIED NOORD	1ste verdieping, Bloemhofgebou, Edwardstraat 112, Bellville	021 444 3076
GEBIED OOS	Grondvloer, Omniforumgebou, Van Riebeeckstraat 94, Kuilsrivier	021 400 9117
GEBIED SENTRAAL	Eenheid 201, De Tijger-kantoorpark, Hannes Louwrylaan, Parow	021 444 2422
GEBIED SUID	3de vloer, Hoofweg 200, Claremont	021 444 2880 / 021 444 6601

Alle aansoeke om hulptoelaes sal volgens die hulptoelaebeleid beoordeel word en moet aan die Wet op Munisipale Finansiële Bestuur, Wet 56 van 2003, voldoen.

Kontak Genevieve Adams by 021 400 1139 or SocialDevelopment@capetown.gov.za vir amptelike hulptoelae-aansoekvorms of vir meer inligting.

LUNGLO MBANDAZAYO
STADSBEStuurDER
CTA159/2022



CITY OF CAPE TOWN
ISIXEKO SASEKAPA
STAD KAAPSTAD